

LIII

Persentiscimus tamen non raro complicatas quasdam in animo notiones, maxime, cum sumus uehementius affecti. Quibus quidem euolutis, et figillatim perpensis, grauior ista commotio uel restingui solet, uel temperari. Quapropter in sedandis affectibus, oratoris est, permotionis cuiusque ingenium callere

LIV

Denique cum omnes affectiones animi ex opinione boni uel mali enascantur, in iis apte uersandis, argumenta Rhetorum, quae ab honesto ac turpi, utili et inutili, iucundo et iniucundo, petuntur, plurimum pollebunt

LV

Haectenus de Inuentione Thematidis et Probationis. Sequitur, ut, cum oratorem informemus, non Dialecticum, quemadmodum integra oratio ad persuadendum componenda sit, dicamus

LVI

Ad ducendam hominis uoluntatem multum adiuuat ordo. Boni enim ordinis quanta pulchritudo est, tantus amor naturalis, quantum ad rerum intelligentiam lumen, tanta necessitas. Ordini igitur operam dabit orator, et, quod inuenit, idonea digestum ratione, disponet

LVII

Nihil efficit intellectus, si resistat uoluntas. Sed haec pluribus de causis reluctari potest, libertatis suae, si quid aliud, tenax. Cum igitur non cogi uelit, sed conciliari, quaerendi sunt aditus, quibus ad eius studium perueniatur. Hos aperiet beneuolentiae, bonitatis, prudentiae opinio, oratione

ex-